


А. Ш. СЕМЕНДУЕВ



ДЕВРМЕ







**Александр Семендуев — делегат I съезд  
писательской Догъисту**

АЛЕКСАНДР СЕМЕНДУЕВ



Дагестанское книжное издательство  
Махачкала 1991 г.

**Семендуев А. Ш.**

Деврме: Стихи. — Махачкала: Даг. кн. изд.-  
во, 1991. — 64 с.

Мое время: Стихи.

Автор эни сборник «Деврме» — Александр (Эдуньё) Шаулович Семендуев гьисди еки эз куьгьне шогьиргьой тати, стихигьой комики дофус зере оморенбуьруьт э гозит «Зэхьметкеш» э сиимуьн салго. У вэгьдо у бу учитель э школей тати э нум М. Горький (1932—1934сс.).

Александр Семендуев рабфаке варасденге хунди, вегуьрди эри хуьшде военно-технический сенигьэт э артиллерия. Вогошденге эз Келе довгьой Ватани омбаре салгьо кор сохди э армия. Песде, э куьнди бисд сал, бири учитель э миенее школей урусн э шегьер Евпатория.

Э сборник дешенде стихигьо нуьвуьсде оморет эри гьуьзетлуье коргьо ве жофой одомигьой Совети, гирошде рузгьой довгьо э гьэршуй фашизм ве буьзуьрге Бесгьуни, боворини ве е ченд эз стихигьой бебещу — шогьир Шоул Симанду.

С 4702570200—452 89—91  
М 123—91

© Семендуев А. 1991 г.

ISBN 5—597—00910—3



## ПУШОЙГОФИ

Автор эни сборник — Александр (Эдуньё) Шаулович Семендуев — еки эз лап куьгъне шогъиргъой татини. Лап хуб э ёрмени суьфдеи стихигъой эню, дофус зере оморобируьтгъо э гозит «Зэхьметкеш» э 1934 сал. Гье у вэхдгъо е-дуь стихигъой эню дешенде оморобируьт э суьфдеи антологией поэзией тати, ведироморобугъо э кумеки Ехьиил Мататовоз ве пушойгофи энуревоз. Хуьшдени Ехьиил Мататов — ведилуье советски ве партийни корсох эн Догъисту, активлуье бэхшвегир эн граждански довгю, бу неки еки эз суьфдеи шогъиргъойму, энжом сохдегор гозит «Зэхьметкеше», автор эн грамматика ве тозе хьэрфномей тати, у бу гьемчун несигъэт, тербие дорогор жовоне шогъиргъой татире. Э у пушойгофи хуьшде у гьемчун нуьвуьсдебу е-дуь келме э товун эн жовоне шогъир — Александр Семендуевиш.

Неденишире э у кор, ки Александр Семендуев эзу дуре вэГдегъоревоз сер гирди эри нуьвуьсде стихигъой хуьшдере, и сборник гьисди суьфдеи книг эню, ведироморигъо э издательство, У, гьелбет, э гъэд эни гиросдигъо 55-56 сал эзу вэхдевоз бире мидануьсд автор эн е ченд сборникгъой шогъири. Омо А. Семендуев лап эз зуревоз рафди эз Дербенд, эжеки у 8 классе верасденге кор сохденду учитель э школай тати э нум М. Горький, хунденбу гъилгъоре э зуьун деден. Эзу

вэхдевоз у те и песини салгьо дие э литературай тати гыч бэхш невегирдебу, неденишире э у кор, ки э вэхд довго у нуувуьсдебу е ченд стихигьо, комигьоки гье гьечу мундебу дефус незере э «архив» энү.

Гуфдире мибу, ки и сборникиш тэхьно эн Александр Семендуев нисди. Э и книг дешенде омори гьемчун фирегь мэглуьм гьисдигьо э гьэд эн хэлгь иму десдон «Элеф-Би» ве е ченд сгихотворениегьой эн бебей энүгьо — Шоул Симанду.

Неденишире э у кор, ки Шоул Симанду бу лап хьуьрметлуье, мэглуьмлуье шогьир э глэрей хэлгь иму, гьеле теимогьой е гилеш шогьиригьой энү дофус зере неомерет, не э товун хуьшдени эни глэемете одоми ве эн шогьиригьой энү э ежигеш е бобот семе нуувуьсде неомори теимогьой. Унегуьре, те ебо е ченд гофигеш гуфдире э товун эн Александр Семендуев, мере воисдени э кутэхэ жире семе (эри фирегьте нуувуьсде э е чуькле пушойгофи минкин нисди) гуфдире э товун Шоул Симанду ве шогьиригьой энү.

Шоул Симанду хьэсуьл омори э 1856 сал э Дербент э кифлет эн фэхьле. Бебей энугьоре хьофд глэил бу. Шоул чин чуьклеи бу э кифлет. Ижире келе кифлете э муьзд фэхьлсиревоз эри дошде лап четин бу, неки глэилгьоре эри хунде. Сер зиеди, Шоул гьеле чуькле глэил гьисди, у мунди бебесуьз. Эз хьофд салеревоз у межбур бири эри кор сохде. Э лап жогьиле вэглдогьой хуьшде у фэхьлен сохди эри сэхьиб боггьо э Дербенд: бил зери, луйгенде векенди, тегьенг бурри. Э вэхд зими дурундегьо рафди эри бичин сохде. Зиндегуни энү э и тараф бу ухшеш э зиндегуни эн косибе хорисуьзе фэхьлегьой Дедбенд.

Гьеле э у жогьиле вэглдогьой хуьшде Шоул Симанду сениглэт бондурире хуте бире, те лап пире вэглдой хуьшде сохди бондури. Э глэрей хэлгь у гьемчун мэглуьм бу чуьн усдо-бондур.

Шоул Симанду сер гирди эри гуьнжунде шогьиригьой

хуышдере гъеле э жогыле вэҕдогъой хуышде, омбарыш э бондур-хуне, э кечук хуышдеревоз кор сохдеки. Е томошее гъозие эз зиндегуни Шоул Симанду ологъо-луыни чуйтам э сениҕэт энү — бондуриревоз, гьемчун э фирегъ мэҕлуымлуй бирей энуревоз чуйн шогъыр неки э ҕэрей хэлгъ эн татгъо-ёҕлудигъой Дербенд, гьемчун эн азербайджаныгъо. И гъозинере эриме ихдилот сохдебу хуышдени Шоул Симанду э 1936 сал ме э редакцией гозит «Зэхьметкеш» кор сохденбируымгъо вэҕдо, чуйтам ве эз чуй товуне у гуыңжундебуге еки эз мэҕлуым-луйе шогъыригъой хуышдере «Абас-Гъули».

И гъозие гиросхдебу хэйли салгъо пушоте те революция. У вэхдигъо э звери тараф Дербенд, э Гъэле зигъисденбу е мерд азербайджани Абас-Гъули гуфдиренигъо, сэхьиб эн е чуйкле богъ. Абас-Гъули юш Шоул Симандуре хуно шогъыр бу. У э Шоул доробу заказ эрию е челег соху гуфдире. Челег хьозур биренге, Абас-Гъули, пул челеге недоре, бердебу челеге э хуней хуышде, гуфдиребу эз Шоул себэхъ биев э хуней ю пул челеге эй вегирде. Шоул оморенге э хьэет Абас-Гъули пул челеге эй хосде, дедей энугъо, келе зен, э ён гъопуй хьэет хуышде, Шоуле гье эз лэҕэй гъопу э хьэрой-ниффриревоз пиш сохд. Ченд гиле Шоул оморебу пул хуышдере эри хосде, оммо дедей Абас-Гъули гьер гиле мигуфди у э хуне недери, гъечи э хьэрой-ниффриревоз пиш мисохд Шоуле.

Е руз Шоул Симанду э звери базар верафденге, э пушой эн чой-хоне э у «э нэхэбереки» омо расд бисдо Абас-Гъули. «Ме, — мугу Шоул Симанду, — гирдуым дес энуре, еҕни, эри «руз э хэйрбу» доре, оммо гъечи э е зарбевоз шишируым дес энуре э десме, эз Абас-Гъули е келе ноле-божэхъ ведиромо. Э гуж кечукевоз вердуыш бире десмере дес энү неветовусд, ме уре жару-ндуымки. Абас-Гъули гуфди ме дес юре рэхъо дуым гуфдире. Ме дес энуре диеш сэхдте жарунде, гуфдируым: «Те туь пул ме эритуй гъуыч сохдемгъо челеге неди, ме

дестуьре рэхьо нидуьм». Гье и вэхди кура бисдоруьт э иловлейму хэйли одомигьо-азербайджанигьо. Угьо норут э пушойме нен Абас-Гъули игърол: гье э и поисде жиге гьердуйьму бие эз хуьшде гуьнжуним дуй эри еки мэгИни. Эгенер ме бердуйьмге э гофгьо-шогъиригьоймеревоз Абас-Гъулире, у мере доренини дуйвойне муьзд эри корме, эгенер у бердге мере, эзу э ме е кепикиш нисе расире». Ме рази бисдорум. Гье э и поисде жигейму сер гирдуйьм эри хунде э товун энун нен дедей энугьо, комики мере ченд гиле эз лэгIэй гъопу пиш сохдебу, ме эри муьздмере хосде оморенге:

Абас-Гъули вер пулуми ёле сал,  
Сен димедуьн дуйнен бу вэхд гел апар?  
Гене себагъ сени ким гелиб тапар.  
Гъаетуьвде бир ит вор томом алами гъопар.  
Абас-Гъули вер пулуми юле сал...

Эз гофгьой Шоул Симанду ме верасируьм, ки э бэхьс шогъири Абас-Гъули э Шоул Симанду неверома. Шоул берд уре. Абас-Гъули неки гъэгъри небисдо эз тиге гофгьой эн Шоул э говун дедешу нен ю, гъэл гирде Шоуле, деберд э чойхоне, ченд одомигьойгереш теклиф сохде э хуьшдеревоз. Инжо э чойхоне Шоул дануьсд, ки Абас-Гъули э вогънеревоз пул челеге нисе доренбу Шоуле, дедешуре э у хъэлово сохдебу, гъечи угьо эеки бэхьс офдонуьт гүфдире чуьн дуй шогъиргьо.

Шоул Симанду лап хуб, лугъонд дануьсденбугеш зугъун дедеире, оммо шогъиригьой хуьшдере у нуьвуьсденду э зугъун тюрки-азербайджани. Эз е тараф ижире гIэдот, традиция бу увэхдигьо нуьвуьсде э зугъун тюрки, эз елойге омбардеки одомигьой хэлгъ иму хуб дануьсденбируьт зугъун тюрки (азербайджанире), песде и зугъун увэхди бу зугъун эн гIэрейхэлгъи э зофруи тараф Догъисту.

Шоул Симандуре келе хуььрмет бу э гIэрей эн хэлгъ.

У юре, хуышдениюре, э гІэрей хэлгъ буре, ихдилот сохде, шогъиригъой хуышдере хунде омбар хъэз оморен-бу. Гьеле э у жогъиле вэхдгъоймеш десдон энун, «Элеф-Би» нуувуьсде оморетгъо э традицией эн восточни десдонгъо, омбаре одомигъой хэлгъ эзвер дануьсденбируйт. Ме э Шоул Симандуревоз шинох биремгъо вэгІдо у келе мерд бу. Неденишире э келе мерди хуышде у е денуьшдее, сэхде одоми бу. Билеггъой дес энун фирегъ, пенжегъой дес гъолинд, фирегъ ве гурунд бируйт. Чигъретгъой сифет энун дуьруьжд бируйт, оммо сипре рушлуье сифет энун очугъ, мигърову бу, дуьрьжде чумгъой энун гуйге ранг эн онгур гилобире хуно бу, э хуши ве дуьлдусдиревоз дениширенбируйт э одоми.

Шоул Симанду муьрди э еки эз рузгъой эн декабрь 1939 сал. Э тапшуьрмиши редакцией альманах имуревоз стихигъой эн Шоул Симандуре эз зугъун азербайджани тержуьме сохди э зугъун тати кук энун — автор эни сборник Александр Семендуев. Хьэьфки, шогъиригъой эн Шоул Симанду э вэхдию гьеме нуувуьсде, кура сохде ве дошде неоморет, унегуьре омбаре стихигъой энун бирет, эз ёр хэлгъиш ведерафдет.

Стихийгъой эн хуышдени Александр Семендуев э и песини салгъо ченд гиле дофус зере оморет э альманах имун: «Шасд салаим», «12-муьн апрель», «Поиз», «Гофгъо», «Солдат эн революция», «Тешнеюм зйтуь», «Дербенд», «Зугъун деди», «Артек», «Гъоврей бирори», «Сипре гъозгъой гъовон» ве диеш. Стихигъой энун гьисдуьт эри муьгъбет э кин Ватан совети, комиреки у э вэхд Келе довгІой Ватани гъэлхэнд дошди эз хунризе дуьшменгъой фашисти, эри гІэзизе улкей хуышде — Догъисту, шегьер гІэили ю — гъэдимие Дербенд, эри шолуми, дусди, бирори хэлгъгъо, эри игиде бэхшвегиргъой эн Келе довгІой Ватани, эри овлодгъо, дошдеи природаре ве диеш. Эри шогъиригъой энун хосиетлуьнуьт гражданственни ве патриотически фикиргъо, муьгъбет, дусди э кин одомигъо. Гъово, фикиргъо, войгегъой

хуьшдере шогъир дануьсдени э раче зугъун ве бем-  
зерлуьиревоз гуфдире эри хундегор. Ини вегирим виним  
е куплете семе эз стихотворенней энэ «Сипре гъозгъой  
гъовои», э товун э беде четини офдореи гъозгъо э  
вэхд лап келе хиникигъо э сер дерьегъ.

Тозе лэбер э гъэд шегъер лов бисдо:  
Гъэмишлугъгъо жилид зерет гуфдире.  
Сипре гъозгъо — назуьшменде бикегъо,  
Эдет э сер дерьегъ иму лем зере...

И стихотворение гъисди э товун эн еки эз лап гъаежон-  
луье проблемагъой вэхд иму — гъэлхэнд дошдеи приро-  
даре. Э келе муьгъбет ве гъаежониревоз нуьвуйсде  
омори стихотворение «Гъоврей бирори» э товун э  
Келе довгъой Ватани жун ишуре доретгъо солдатгъой  
эн Лешгер иму:

Гъирмизинуьт овордеймгъо гуьлгъойму  
Э ранг хунут... Эз ёр иму нис рафде.  
Рэхъ дуьшмене ведабуррат гъемешу.  
Моле-моле офдоретгеш согъ десде.

Александр Семендуев бу кадровой офицер эн Лешгер  
Совети. Эри нишонендегъой энэ э довгъо уре доре омори  
е ченд орденгъо ве медальгъо.

Мере имиди, ки хундегоргъойму э разимендиревоз  
гъобул мисохут и суьфдеи книг эн еки эз куьгъне шогъи-  
ргъоймуре.



## ТОВУШ ОКТЯБРЬ

---

### ЛЕНИН

Ленин гье зинден  
Э гъэриш зиндегьо.  
Ленинизм — ерэгъи  
Эй рафде пушово.

Тор нибу бесгъуни  
Партией Ленини.  
Э хунме, э корме,  
Э женгме — нум ю де.

Нум буъзуьрг — уьшуьгъи,  
Э гӀэлем иму ве.  
Дуьлое нештери  
Эй нехогь, эй дуьшме.

Нум юре вилеет  
Эз диб гӀов, эз булут,  
Гьер зугъун, гьер миллет,  
Тевесер миберуьт.

Э гӀуьлом лов бирет  
Нистгьой Ленини.

Шевгъ доре герм сохдет  
Дуьлгьоре эй дузи.

МуьгIуьжуьз мибу руз  
Хилоси эн гьеме.  
Мэхуьзуь инсонет,  
Ойдунлугъ эй бире.

1970 сал.

## ОКТАБРЬ

Октябрь! Чуь рачи ёровурд  
Бесгъуни шешуьм бэхш эн хори!  
Муьрсчигъо вир бирет эз у руз,  
Юхсуьлгъо чуьн инсон зигъисди.

Шегьергъо не дигъбон бирет куьнд,  
Гуьрд сохдет гьер жире карасди.  
Эшгъгъойму деш бирет лап буьлуьнд  
Э гьер цех — корхоней эн дусди.

Октябрь, норейгъо дузире,  
Рач бугу бегьертуь имбуруз:  
Шахтгъой куьмуьри, зурбое машине  
Зиёд сох вилеет руз — беруз.

Э завод, рэхь мошин, корхоне  
Биё бу гьеме кор эз дуьли.  
У куьгъне гъэдергъой зугъине,  
Имогъой э хори расири.

Э мэхьсуьл колхозиш зарбчигъо  
Имуре имуруз омбаруьт.  
Жергегъой орденлуь игидгъо  
Гьеме сал зиёдте биренуьт.

Эз дуьли гуфдире сес эн зен:  
— Меш деруьм э бэхшгьой эн рузи,  
Мисохим, чуьн мердгьо, тен — бетен  
Хьэрекет эй мозол, эй дузи.

Согъ гердо вилеет Совети,  
Эрию сэхд гьэлхэнд мибошим.  
Микорим шитилгьо эз жуни,  
Еклубги хэлгьгьоре мидорим.

1941 сал.

### «ЧЕЛЮСКИН»

Рафдебуьруьт Челюскинцгьо  
Гилме эри буьлуьнд сохде,  
Эри офде тозе рэхьгьо,  
Арктикере хуб дануьсде.

Э зуьгIбегьой эн Арктики  
Бердуьт зурбо женг гьемешу.  
Эз дохьоргьой эн жилиди  
Бегьем сохдуьт хунеш эйшу.

Еклубгишу зурбо бири,  
Э гьэвл еки дебирет.  
Э зир астарай Поляри  
Оле бейдогь дезерет.

Эз жилидгьо бегьем бире  
Догьгьо — дохьоргьой поляри,  
Ведебуррат сэхд ишуре,  
ГIэзиетгьо зиёд сохди.

Хэбер омо э сер иму  
Эз мейдугьой эн жилиди:  
Ки «Челюскин», о! гемиму  
Э диб дерьёгь батмиш бири.

Суймуьргъушгъой пулатире  
Ватан иму фуьрсо унжо.  
Бирорьети кумек бире,  
Гьеме коргъо бегьем бисдо.

Игидлуье летчикгъойму  
Эз гъэд думон гъэнет зеруьт.  
Эзу дурей шэгIмелешу,  
Жигешуре сечмиш сохдуьт.

Э хьофд геми эн гьовои  
Венушунде жобордгьоре,  
Эзу мэгIдон эн жилиди,  
Хилос сохдуьт гьемешуре.

Гъовхобере корсохгьоре  
Вохурд могьлугъ эн Совети.  
Гешдегоргъой Арктикире  
Винирим лап дуьлгъо шори.

Шолум эри челюскинцгъо,  
Эри жобордгъой Арктики,  
Эри рушлуь желде мердгъо —  
Борж бердегоргъой хиники.

Гьич нисохим фурмуш иму  
Сохде коргъой энугьоре,  
Гьевел бесгъун доретгьоре  
Эй дануьсде Арктикере.

*1934 сал.*

## **АЗАДЕ ЗЕН**

Те Октябрь гъул бируьт зенгъо,  
Э зир зулум-муьрс дебируьт,  
У ченд салине ондумгъо,  
Бесгъун доре оморуйт,

Изму зену э мердевоз,  
Дуь эй еки кумек бире,  
Э суьрхуьне десгьоревоз,  
Бегьем сохдет барасире.

Гьеме салгьо эз зуревоз  
Зенгьой колхоз э бэхьс деруьт.  
Гьеме коре э эшгъэвоз,  
Бегьем сохде дануьсденуьт.

Э завод, фабрик Совети,  
Эз кор екиш песо нисдуьт.  
Омбаргьошу — зарбчигьои,  
Хубе бэхшгьош вегирденуьт.

Зенгьой могоьлугь деруьт изму  
Э гьеме кор эн вилеет.  
Сенигъатгьош вихдет эйшу,  
Э хубе руз гьеме мундет.

*1934 сал.*

## СОЛДАТ ЭН РЕВОЛЮЦИЯ

Э гьуьзет бэхшвегир революцией  
Октябри, жоборде кук хэлгь иму  
Ехьиил Мататов.

Гъил бири гъилире не дири,  
Лугъэй нуниш те сурои не бири,  
Бebesуьзи чорсалеле дануьсди,  
Эз яздегьи э гъэтрой нун дебири.  
Эри падшогь солдат бири дуь гиле,  
Окоп довгъо, гурундигьо эз сер сохди.  
Э Петроград тараф Ленине гирде,

Ерэгъ юре э сер контра чарунди.  
Э Ростов-Дон, э Дербендиш ченд гиле  
Бэхш вегирди э гъовхогъой Ватани,  
Телеф сохди ерэгълуье дуьшмене  
Эри гъоим бире коргъой Совети.  
Бэхш вегирди э лап келе Гуьрделеме\*  
Коммунистгъой эн жогъиле вилеет.  
Ленин унжо рэхъбер бири эй гъеме  
Гоф ю, сес ю э дуьл гъеме домундет.  
Эзу мэхъэл те гIумуьрлугъ Ехьиил,  
Хуьрметлуье кук эн Рувин Мататов,  
Келе коргъо дузов сохди те эхир,  
Дуьшменгъойму эз гъэгър бирет сиегов.  
Ведилуье, желде корсох партия,  
Буьлуьнд сохди э гъэриш хэлгъ нум юре.  
Шогъир, тержуьмесох, сиггде дусд фэхъле,  
Бине нори десхэтигъой татире.  
Бисд хъэшд чигърет жуьр-бежуре миллетгъо  
Э сер сенгъо — едигоргъо вединуьт.  
Бисд хъэшд бирор—гъинорменде жобордгъо  
Эй Советгъо э Догъисту женг бердет.  
Куьгъне богъчей шегъер Дербенд рач бири,  
Товуш дуьлгъой едигоргъой тов доре.  
ГIуьзетлуьни э гIэрешу кук тати,  
Унжо гIэтош шевиш-рузи су доре.  
Тозе гIэдот гъоим бири Дербенде:  
Гирошдегор э сер сенгъо гуьул норе,  
Пионергъо э гъэреул поисде,  
ГIэруьс-домор эй сер зере оmore.

*1985 сал.*

---

\* Е. Р. Мататов бу делегат эн X — муьн съезд  
РКП (б).



## КОГЪОЗГЪО ЭЗ ДОВГЮ. ЕДИГОР- ГЪО

---

### ЭЙ ЧУЪКЛЕЛЕ

Нисди мере э зир асму  
Эз туь дусдте чуьклеле.  
Эз эвруьшуьм сохде русму,  
Нум туьре э сер сине  
Сиригь зерем, гІэилме.

Мигирорут рузгъо, салгъо,  
Миёв суьрхэ гьеминон.  
Келе бире э рач кукгъо  
Пес нипои эз деврон,  
Раче нуме гІэилме.

ГІэзиез дусд, ширине кук,  
Э дерс мирай, эй хундегор,  
Зиндегуни мибу деш сук,  
ГІуьмуьр звер эз гъозор,  
Жовогъиле гІэилме.

Раче чумгъой гІэили туь.  
Медебугу э рэхь ме.  
Эз дес хунриз, эз гъэрмэгь ю  
Ватан мере хилос сохде,  
Мивогордуьм гІэилме.

*1942 сал.*

## ДОВГЮ

ГІэтош, барут хьэйф не берде сухунди  
Хоримуре — Ватан тозе девргьоре.  
Дуьпое гуьрг мерг э инсон венгесди  
Те кишдибэнд хуни сохде хуьшдере.

Ватан иму битев э женг вэхуьшди  
Эй нисд сохде эз руй гІуьлом фашизме.  
ЖэгІмиетгьо, гьеме гІулом гуьрд бири  
Эри васал зиндегуни эн гьеме.

ГІэрс рихунде мере э ёр туь меёр,  
Эз дуьлтуьш ше гьеме хэёлгьойтуьре...  
Куьнди рэхьме, Ватанме дур, раче ёр,  
Имид бош туь мивогордум гьегене.

*1942 сал.*

## ДЕДЕЙМЕ

Мерихун гІэрсгьоре  
Чуьн шаргьой дерьёгь.  
Кумек туь гьегене  
Мибошум э дуьньёгь.

Жон дедей, эриме  
Тирьеки мебош туь.  
Эз довгІо вогошде,  
Мидарам э гьэл туь.

*1942 сал.*

## ВАТАНМЕ, ШИНОВ СЕСМЕРЕ

Пар зе, туь широйме, лап э дур,  
Парзе, дуьлгьоре дегесун.  
Женг берим эй дузи, эй обур,  
Э довгю дусдгьоре вэхуьзуьн.

Ватанме, шинов туь сесмере.  
Эз гьэриш, чуьн воруш гьургьушун.  
Гушвени сесмере — куктуьре,  
Эз инжо, эз мейдуй туф-туфон.

Фашистгьо вэхуьшдет э сер туь,  
Нисд сохут тумтуьре гуфдире.  
Чуьн пулат поисдейм кумек туь,  
Гяэлеме деш муьхькем сэхд гирде.

Хориму пойшиши мебугу  
Эй эндуьпой хьэйвугьо.  
Гурунди имбуруз хьол иму,  
Руз-беруз омбаруьт жобордгьо.

Зиёд сох тупгьоре, баруте  
Эй окоп, эй блиндаж довгюи.  
Лешгергьой гьирмизи э женг де —  
Тор нибу астарай Совети.

Гоф дорейм э е сес, э е дуьл:  
«Гьич мэхьэл гьул нибошим.  
Хориму гьегене мибу гуьл,  
Э пушо девроне миберим!»

*1942 сал.*

## ЭРИ ДУСД

Эритуь назуьшменд  
Нуьвуьсдем эз инжо —  
Эз гъэд женг э Дербенд,  
Э Ватан ШэС-бобо \*

Гъемише э ёр де  
Раче нумтуь, дусдме,  
Сер ебой дерафде  
Э гъовхой Ватанме.

Гъизгъини гІэтош женг  
Эй келе бесгъуни,  
Эй сохде ёде терг,  
Эй гІэлем хилоси.

Эз барут не дуре  
Гурунди мейдуй женг.  
Эз сес туп, гуниле  
Гушгъойму бирет бенг.

\* \* \*

Дур сохди имуре  
Овхьолет довгІои,  
Сес широй дусдтуьре  
Гушвени эз дурн.

Чуьн шевгъой поизи  
Муйгъойтуь торикуют.  
Эз сер туь те зани  
Бендгъойтуь бофдеют.

---

\* ШэС — бобо — Шоул Симанду, бебей шогъир.

Бендгьой туь — эвруьшуьм,  
Нермуьт, мохберуьт.  
Шелгъэмгьо — тар-руьшуьм,  
Тов-тови доренуьт.

Шевее чумгьойтуь —  
Дуь тикей жовогьил.  
Гъэлемуьт гъошгьойтуь —  
Яравуьш эн жогьил.

Лап рачи чигьрет туь,  
Нибу де ужире.  
ГӀэселуьт ловгьойтуь,  
Эз васал туь тозе.

Гуьзели буьнуьштуь,  
Куьнде дусд васалме.  
Нум туь рач — хуьшдентуь  
Эз хилмов ширинте.

\* \* \*

Чуьнтойтуь гьич бире  
Нидануь гъуьзуьргуьл.  
Гирошде рузгьоре  
Ёр биёр софе дуьл.

Гьисдигеш эз ме дур,  
Туь эй ме гӀэзизн,  
Ширини эз онгур  
Богъгьой эн Кавкази.

Дуьлпесо гьич мебош:  
Мухуну гьегене  
Буьлдуьрчин э овоз  
МэгӀнигьой муьгьбете.

\* \* \*

Куьнди руз гуьрд бире  
Э шилхьон бесгъуни,  
Миллетгьой Ватанме  
Муьнуьшуьт зеки.

Пейлегьой мигИди  
Мигердуьт э сер дес,  
МэГІнигьой эн согъи  
Мпфуьрсуьт э дур сес.

Екире мидим дес  
Э у руз гьемейму.  
МуьгІуьжуьз мибу сес,  
Сес овоз широйму.

Э руз эн Бегъуни  
Жоборде вилеет,  
Мибу дусд — парвери,  
Дуьшмегьо — хижолет.

Э сер сенгъ жобордгьо  
Вилеет бэхш минуь:  
Муравт буьвер салгьо,  
Нумгьошу нимуьруь.

\* \* \*

Чигьретме э ёр туь  
Сиротсуьз дебугу.  
Гофгьойме эз ловтуь  
Гьич фурмуш мебугу.

Нуввуьс туь эз унжо  
Когъозгьо эриме —  
Эри кук ШэС-бобо,  
Эй сэхьиб чуьклеле.

Миёв руз, жовонме,  
Э гулом мибу той!  
Э ме эй вохурде  
Э пушо медирой.

*1942 сал.*

## ЭЗ ДУРИ

Э рузгьо ченд сегІэт, ченд минут дериге  
Унгъэде нумгьошму э ёр де.  
Чушмейму эз хори лап дуриш гьисдиге,  
Товуше ригазгьо ю доре.

Гъэриби эй инсон эз гьер дерд гурунди:  
Эй сэхьиб, эй гъэриб, эй бирор.  
Дуьлдури, дуьлжуни эй дусдгьо дуь дерди,  
Деш зиёд — эй юхсуьл мундегор.

Ченд гъэдер дурумгеш эз кин туь гьеймогьой,  
Э диб дуьл гъэл гуьрдем нумтуьре!  
Э сер лов, чуьн гІэсел, эн зугьун — мейвогьой  
Богъини ширине муьгьбетме.

Э сер дегь нэхуьйтуь гъэл гирде екире,  
Ширмогьои не чуьшме бэхьс гирдет.  
Э сер зар нен хэре эй нэгъде вечире,  
Десгьойтуь офире оморет.

Гъэлемуът гъошгъойтуь э сер дуь астаре.  
Шербетуът ловгъойтуь раче дусд васали.  
Гъэриблугъ не дури вегирдей э герде  
Эй муьгъбет, эй дусди, эй хуней садсали.

*1959 сал.*

## БЕСГУНИ

Девр Совети э гуфере дерики,  
Чордегъ подшогы гуьрд бисдорут э сер ю,  
Войгешу бу: те поегерд биреки  
Вечарунут, лов-тум сохут эз кук ю.

Неверомо эз дес хунхургъой гъуьлом  
Темиз сохут эз руй хори имуре.  
Фэхъле, ранжбер е дуьл буьруьт-е илгьом,  
Ленин — Буьзуьрг серберэхьбу эй гьеме.

Азад бирим, лап булигъо небуьруьт.  
Тэгъди сохдим зу гъувотлуь эй бире.  
Могълугъ иму э бэхъс були дебируьт.  
Дулгъо сокит, гушгъо динж бу гьемише.

Эз некуми игъролгъоре пузмиш сохд,  
Гъовкенд омо фашизм э сер вилеет.  
Сохдегъоре, хоримуре пойшиш сохд,  
Ниетгъойму гьеме мундут нимелит.

Гъудуз бире суруй гуьргъой эн више  
Дуллу мисохд инсонгъоре э тиргъо,  
Хэре мизе, эй сухунде, эз леше.  
Ярагъойму фурмуш нибу гъич вэгъдо.

Гъэтмэгъэриш бисдо гІуьлом гъеебо,  
Гуфдурумге гофгьой довгІо дурази:  
Бисд хьофд мильон инсон иму пуч бисдо,  
Э войгею дуьшмен иму не раси.

ДовгІо варасд э гъэд лулей фашистгьо.  
Хэлгъгьо сергуьрд тозе коргьой рузире.  
Норут эйшу гье э у руз гІоширгьо:  
Хьозур сохут тозе женге гуфдире.

Омбаре сал гье вошундет, войгере,  
ДовгІокоргьо эри муьрде сер норет.  
Э чум дире нис хосденим довгІоре,  
Лап омбаргьо э жергейму поисдет.

Ватан иму дегишигьо сер гирди  
Эри мозол зиндегуни эн гъеме.  
Э гъэд хэлгъгьо, вилеетгьо эз дуьли  
Дес кешире эй шолуми дешенде.

Ёвош-ёвош хэлгъгьо эдет офденуьт  
Тозе тегьер зигьисдере зеки;  
Жирегьоре, гъэдергьоре гешденуьт  
Эй кем сохде карасдигьой довгІои.

Дурази рэхь эй дуьшмени кем бире,  
Келе коре — келе гьуьнер гереки.  
Миёв у руз никигьоре эй дире —  
Вилеетгьо севгил мибу зеки!

*1990 с.а.*

## ГЪОВРЕЙ БИРОРИ

Кура бирейм э пушой сенгъ хьэрмэхьгьо  
ГПэжел жуне э чумевоз диретгьо.  
Тов — товинуьт суьрхэ хьэрфгьой эн нумгьо  
Э сер гъоврей эн бирори веруьтгьо.

Гъирмизинуьт овурдеймгьо гуьлгьойму.  
Э ранг хунуьт... Эз ёр иму нис рафде  
Рэхь дуьшмене вадабуррат гьемешу,  
Моле — молиш офдоретге согъ десде.

Руз Буьзуьрге Бесгъунини имбуруз,  
Эз гьер тараф э серкеши оморейм.  
Э коргьойму деруьт ишу гьеме руз,  
Гъич нимуьруь ёревурди, гоф дорейм.

Эз ёр иму нисе рафде е вэгІдош  
Сэхде женгьо, гъовхогьойму эй дузи,  
Шегьергьойму луьп зеретгьо эз гІэтош,  
Дигъбонгьойму — вачаруьсде мейдузи.

Хьовиргьойму, куьнде дусдгьой довгІои,  
Туьхьмек женгьо омбаргьоре сухунди.  
У салгьоре гировундейм зеки,  
Бэхд гьеркиму гъич ежире не бири.

Руз Бесгъуни келе шориш гьисдиге  
ГІэрс не мигІид гъэриш сохдет дуьлгьоре.  
Ярагьойму гъич согъолмиш нис бире,  
Гъечу мибу те экишму оmore.

Ватан иму хилос сохди эз фашизм  
Хоримуре, девлетгьоре, обуре.  
Э Европаш кумек бири лап гъоим,  
Одомигьо ники винуьт гуфдире.

Себэхьмунде сер гирдени эй сухде,  
Гуйге гьово эз ригазгьой эн чуьшме.  
Гьечу ишму легьбет дуьле эз хуьшде  
Хэржи сохдейт, хьэйф не берде, эй гьеме.

Согъ руз чуьшме гьэл гирдени сенггьоре —  
Едигоргьой вилеете, дусдгьоре.  
Келе-чуькле эй сер зере гьэд бире,  
Эз дуьлишу веноренуьт гуьлгьоре.

Нерме шевггьой шохьонгуми гьуз бире  
Моч сохденуьт гьоврей жоборд муьрдере.  
Шевгьо менгиш зерде ригаз хуьшдере  
Фуьрсорени эй экишу черх зере.

Фирмуш нибу тупгьо, бомбгьой довгон,  
Пескаревкаш, Бабний Яриш ве Хатынь,  
Лешгергьойму бирмундетгьо жоборди,  
Гьушунгьойму расиретгьо э Берлин!

Гьезизгьойму эй Буьзуьрге Бесгьуни  
Э гьэд гьэтош пучиш бирет сересер.  
Могьлуггьойму кумек бирет зеки  
Эри мунде Ватан иму тевесер!!

Гьечи гьер сал дуьл дореним екире  
Оморенге э сер гьоврей бирори.  
Жергегьойму лап туьнд эдет кем бире,  
Гьэжел жунгьо динж нис гьишде эй гьэрди.

*1988 сал.*

И ризгьо нуьвуьсде оморет э гьуьзет солдатгьо —  
офицергьойму депучунде оморетгьо э гьоврей бирори  
э декабрь 1941 сал э куьндигьой Масков (Красная  
Поляна).

## ЗЕН ВАТАН

Э ёрме гьеймогьой гьсебо диromo  
Гирошде овхьолет довгЮи:  
Гурунде рузгьойму... игиди жобордгьо,  
Сэхде женг эй гЮэлем гьирмизи.

У салгьой довгЮи зен бири чумерэхь  
Эй когъоз, эй шори, эй чигьрет.  
Вомунде чумгьошу, ченд шевгьо те себэхь,  
Болире эз гЮэрсгьо тар сохдет.

Пичгьошу дуресуз, хинике хьэловгьо,  
Тенгигьой довгЮи вегуьрдет.  
Руз не шев завод, э мэхьсуьл колхозгьо  
Те эз пой офдоре кор сохдет.

Эз дури дануьсдет гЮэтош женг чуйниге,  
Э гьэвуьл гЮэзизгьо дебирет.  
Тик бире, сэхд гуьрдет дорд доре жигере,  
Карасди довгЮи гьуьч сохдет.

Жовоне духдергьой вилеет Совети,  
Чуьн мердгьо кор сохдет, женг бердет.  
Муьхькемлуй, эз жуни эри руз хилоси,  
Омбаре эзхьметгьо кеширет.

Ширини Бесгуни, тэхьл бугеш рузгьойму:  
Рафдегор не вогошд гьемешу...  
Те изму гЮов доре гурунде ярайму,  
Сергьузим э пушой нумгьошу.

*1960 сал.*

## СОЛДАТГЬОЙ БУЪЗУЪРГЕ ДОВГІОЙ ВАТАНИ

Э мейдугьой шегьергьойму поисдет  
Буьруьнжие сигьде кукгьой девр иму.  
Огь, омбаруьт едигоргьой вилеет,  
Гуйге зинде денширет э иму.

Не сегьмуьсде солдат иму вэхуьшди,  
Э гьэриш женг, э суй гІэтош дарафди,  
Вихде рэхьэ лап те эхир гирошди  
Э песою кура мозол гье гецди.

Яралуьгьо эз гьэриш женг не рафдет,  
Гьурбу сохдет эй Бесгьуни хуьшдере,  
Чумгьошуре те сэхд сохде гуфдирет:  
— Гьовхо берит, гьирмиш сохит дуьшмене.

Офдорегор сэхд хорире гьэл гуьрди,  
Те нефес ю, те иллож ю гьисдигьо.  
Астарагьо ранг хунгьоре вегуьрди  
Тор биренге рузгьой жерге игидгьо.

Хори довгІо лэгІэ — пара гье сохди,  
Кими мэхьэл гьозоргьоре фуберди,  
Хьэйф э екиш гьизгьин гІэтош не берди,  
Екиш унжо гьисмет кесе не вихди.

Э ченд жиге гьоврей солдат мэгІуьми,  
Кошде доргьош э гьэревул поисдет.  
Угьо гьеме ёровурди инсони,  
Эз хун, эрэгь, хокгьой довгІо гуьрд бирет.

Э сер рэхьгьо, э вишегьо омбаруьт  
Гьуьндуьригьо — мундегоргьо э довгІо.

Инсон иму екиш нисе хосденуыт  
Дуьшменире, довгоьоре эй хэлгъьо.

Кимигьоре, э мейдуй женг мундере,  
Хокгьой хори э «гъэл» хуьшде дешенди...  
Ворунденш хуб дегуьрди кулгьоре,  
Гуйге гьечу эз руй гуьлом суьперди.

Гэмел ниёв эй нум норе угьоре  
Вир бирегьо, мэгуьмсуьзгьой довгои.  
Эй Бесгьуни офдет гэгжел хуьшдере —  
Боворингьо э доретгьо шовгои.


Екиш эз чум ние шенуь гьоврере,  
Фирмуш ние соху бивэхд муьрдере,  
Хокгьой довго депучунде жунгьоре,  
Игидгьоре — хилоссохгьой гьемере.

Деде, хэгьер, муьгьбетлуьгьо тешнеют  
Эри дире рафдегоргьой хуьшдере.  
Дуьлпесоят, эз гэгэрс чумгьо хэсдеют,  
Салгьош эдет бурра бугьоз вэхдгьоре...

Шевиш — рузиш чумерэхьгьо гуьм зере  
Эри э руз не расире жовонгьо,  
Эри гуьмуьр э жогьили пуч бире,  
Эз гьэриш женг не вогошде гэгэизгьо.

Те гьеймогьой эдет рузгьо шуморде,  
Дениширет, мивогордут экишу...  
Миёсд бире у муьгуьжуьз эхирде,  
Кузгьо мигуьрд, хос мибисдо ярашу.

Гьелем гьеме не гуфдирейм гофгьоре,  
Заруьнжие мэгнигьоре не хундейм,  
Не бирмундейм вегирлуье коргьоре  
Эй гьозоргьо — пуч бирегьо эй Ватан.



## ОВОДУНЕЕ БОГЪ

---

### ПОИЗ

Нерме воруш эз пенжере ведини,  
Дуллу бирет чиртикгьой глов э шише.  
Хьэёт, буру э зир гловгьо пэхьнини,  
Зерде велггьош эдет шушде оmore.

Сeбэхь чьушме хуьшг мисоху улкере,  
Диеш рачте мибу хори поизи.  
Буле бегьер бири желде хэлгьмере,  
Поиз вэхдгьош э домой дер поисди.

Хуб мибисдо корхонегьой вилеет  
Эз пойпичек темиз сохде коргьоре,  
Дуьлшор мисохд хэлгь имуре эз девлет,  
Желдлуь мигьишд шори сохде дуьлгьоре.

Тозе жергей чьуклелегьо миверовт,  
Сэхде сутун эри коргьо мибошут.  
Гьич не бире дананигьо медировт,  
Диеш пушо ватанмере миберуьт.

*1984 сал.*

## ГОФГЬО

Гофгьо эдет муъвэхьмере хурденуът,  
Мейду офдет видов-видов эй сохде.  
Гьергой воисд жиловгьоре буррануът,  
Оморенуът э пушойме поисде.

Динжи нисди, иллож нисди де мере,  
Хьэрмэхь бирем, гьулиш бирем эришу.  
Хьэрекетуым хомуш сохум ишуре,  
Эзхьмет кешуът, бегьем бугу войгешу.

Воисдени соймиш сохде гофгьоре  
Ранде зенуым, гьэлиш гуьруът екире.  
Туйрошире эз дугумгьо ризгьоре,  
Веровунум гуфдирегьой бебере.

Тек-тек вихде дуз биёрум гьемере,  
Хэбер сохум, жун дешенуым э ишу  
Тегьер усдо бурум-бесдуым бендгьоре,  
Рази бошум, дэгГэм винуым эз ишу.

*1984 с.л.*

## ИМИД

Хэйли мэхьэл михьтож бирим эй мигИд —  
Эри шори, эри ники гГэилме.  
Э гьер инсон дери чемшей эн имид,  
Бегьем гердо хубе войгей эн гьеме.

Буьруьж зере чуме вокурд Одоми!  
Имид нори нум гГэиле дедешу.  
Гьоим гердо э гьэд гГуэлом шолуми,  
Чуькклелегьо эри келе бирешу.

Муьгьбет дуьлме, Имид гьеме имидгьо,  
Астарайму, дуьлхошиму, жун иму,  
Хош оморей туь э гIэрей гIэйилгьо,  
Зиёд гердо дуьлхошигьой хориму!

Суьрхе гIэйил, васалине невейме,  
Дануьсдегор омбарекбуш сохдени.  
Хушбэхд, дуьлшор э руз расо Имидме,  
Герек гердо инсонгьоре эз дуьли.

*1983 сал.*

### ЗИНГИЛЕЛЕ

Зингилелей суьрхи дери э хуне,  
Эз зусери хэбэр сохде гьемере.  
Шип-ширини дуьлхошие нишоне,  
Дирегоре эз ю сэхд хьэз оmore.

Тикмегьоре нушундени эеки,  
Сер гирдени ихдилотгьо эришу.  
Хуте сохде чиле-чилме дореки,  
Хьол-овхьоле пуьрсирени эзишу.

Э сер «лербе» лугугьоре пучунде,  
Ненуй-ненем сер гирдени эй хунде,  
«Нечогьгьоре» дерму доре хисунде,  
Возигьою шев биренге верасде.

Омбардекиш э келете минети:  
Киниг хуну, э гуш венуь гуфдире.  
Шинре гофгьо э ёрию мундени,  
Зиёдие бинегьоре пуьрсире.

Бесдуй гІэсел, десдей гуьли гІэилме,  
Хэндуйсдени э юревоз чумгьою.  
Э руз расо вечелегьой эн гьеме,  
Дуьлшор сохо вилеете тумгьою!

*1987 сал.*

## ТЕШНЕЮМ ЭЙТУЬ

Ширин, ширин гоф сохдейтуь  
Гьемишелугь э ёрме де.  
Раче, раче возигьойтуь  
Гье поисдет э пушойме.

Сервори:

Биё, биё, гІэселме туь,  
Деще гъэле э герденме.  
Ме тешнеюм эри сестуь,  
Чумерэхуьм, дуьлхошиме.

Мере гъэнет гуш вебуге,  
Пар мизенуьм миём унжо.  
Е пертовуш винуьм туьре,  
Хьэсрот бирем эйтуь инжо.

Сервори:

Эз дор бегьер ширин бире —  
Эз шив тегьенг богъи — онгур.  
Невелегьо келе бире  
Зиёд сохо хуьрмет, обур.

Сервори:

Гъери, летчик! Хъэрекет сох  
Зуте дарам э гъэл неве.  
Зиёд гердо дешенде тох  
Эри мозол вилеетме.

Сервори:

Расд биёв ниетгъой дуъл:  
Чуьклелегъой жэгIмиетгъо.  
Э рач еки мибошут гуъл.  
Мидуът тозе бесгъунигъо.

Сервори:

Э гъэриш хов, э эврен  
Фикириге нисди мере:  
Инсон хори! Вир сох беди,  
Эй ферзендгъо артмиш бире.

Сервори:

Биё, биё, гIэселме туь,  
Деше гъэле э герденме.  
Ме тешнеюм эри сестуь,  
Чуьмерэхъуьм, дуьлхошиме!

*1982 с.а.л.*

## 12 — МУЪН АПРЕЛЬ

Имбуруз э гIуьлом лов бисдо  
Жар шори, сес ники Ватанме:  
Гагарин — одоми Советгъо  
Э космос рэхъ вокурд эй гьемме.

Э геми эн «Восток» венуьшде,  
Иловлей Хорире черх зери,  
Ченд бендгьой эвире гиросше,  
Дервозей асмуре винири.

Веберди орбитей расдире  
Э тараф эн буьвер астареш,  
Лап буьлуьнд ведибу гуфдире  
Кор десгьой азаде жофокеш.

Э рэхьгьой хиннике асмуйму  
Борж берди, бирмунде игиди.  
Герм бири эз хосдей дуьл нму,  
Саламат э Ватан вогошди.

Жонлуье ракетай гІэтоши  
Веровунд мэхьшовой салгьоре:  
Жейле сохд инсоне эз хори,  
Гьэнетгьо бэхшире девргьоре.

Шинрегор, хосдегор сер зенит  
Э эгьуьл, э хьохмой Тозе девр.  
Е игид хориму — коммунист  
Э космос вокурди келе дер.

Омбаре игидгьо мипаруьт  
Тозе рэхь зирпой эй бире,  
Бинегьой дуьньёгье мидануьт,  
Лугьонди хорире эй дирe.

Гиросше довгІо дуборе  
Э гІуьлом гьич эй небире,  
Ди мереш, гьисметме, ихдиёри  
Эй сохде гурунде кортуьре.

Салгьойме омбариш гьисдуьтге,  
ГІэтош дуьл гьелем серд небире.

Э жерге поисде гьишдуьтге,  
Эз жуни меш мирам э дури.

1983 сал.

## ДЕРБЕНД

Зевер ю — догъ, зофру — дерьёгъ руьгъ-руьгъи,  
Улогьойге — гуьлишон богъ онгури,  
Минореюш эз дуригьо ведини,  
Нарын-Гъэле э сер Дербенд тож вери.

Е душ шегьер — Аба-Сово, Жогълуни,  
Э душиге — СэгИбуново гуьрд бири.  
Гъэдимие кучегьою серини,  
Муьлкгьой Хочи, чул Кофори — шегьери.

Гьони Дербенд фирегьуни, келеи,  
Тебэгъэгьой хунегьоюш гьуьндуьри.  
Игидгьой кор, орденлуьгьо омбари,  
Гъэдотгьоюш дегиш бири, хуб бири.

Куьгъне Бору гоф мисохдге, мугуфдл —  
Ченд гъэдер муьрс кешириге могьлугъме.  
Угьо гьердуь сигъде тойгьой екини, —  
Эри еки чуйтам гъэлхэнд биретге.

Азад сохди Ватанмере Октябрь,  
Бирор бирет ченд миллетгьо, дусд бирет.  
Шегьер Дербенд бири изму бэхдевер,  
Торе хэлгъ ю товушире винирет.

Дербендинуьм! Гуфдиренуьм гьемише.  
Дуре рэхъгьой эн довгТоре рафдемге,

Ченд шегьергъо, улкегьореш диремге,  
Бинеймени, гъисметмени шегьерме.

Раче догъгъой шегьермере ме гешдем,  
Сипре шаргъой деригъе гъэл гуърдем,  
Лезет бегьер тенгъенг юре ме дирем,  
Эри Ватан гъэлхэнд бирем, кук бирем. >

*1985 с.л.*

## **ОВОДУНЕЕ БОГЪ**

У бог зурбо бэхдевери  
Эз бегьергъо гурундиге.  
Э сер доргъой эн гъэйсни  
Буьлдуьрчингъо хунденуьтге,  
Ужире богъгъо гереки!

Э зир шивгъой эн тегъенги  
Кегьребогъо дуллунуьтге,  
Эз гІэтош чуьшмей поизи  
Гуьлегъою пэхьнинуьтге,  
Ужире богъгъо гереки!

Бегьерлуье доргъо гъеме,  
Шевгъгъой чуьшме те хуьрд бире  
Серинире доренуьтге  
Эри гІэил, келе, чуькле,  
Ужире богъгъо гереки!

Фирегъуне онор доргъо ю  
Геймишуьтге чуьн хунчегъо,  
Чуьклелегъо эз луьгею  
Мичинуьтге эз бегьергъо,  
Ужире богъгъо гереки!

Э гэбуургъэй дор бэглии  
Жуържуьрегъо нуьщденуьтге,  
Э миглей богъ эн онгури  
Гъэре гъилог не дериге,  
Ужире богъгъо гереки!

Е ченд доргъой энугъо богъгъо  
Э сер гьендэгъ гъэд биретге,  
Эри хурдей рэхъгироргъо,  
Тэгриф доре сэхъиб богъэ,  
Ужире богъгъо гереки!

*1985 сал.*

## ЗУРБОЕ УСДО

Эз гъэзили кумек бири эй дедей  
Чуьклелегъо келе бошут гуфдире.  
Хундеире эз чоримуьн сер гирде,  
Бегъем сохди келе ниет хуьщдере.

Духдир бире жерехъире дусд дошди,  
Эй данани сэхд вомундеш кор сохди.  
Суке коре эри хуьшде не гешди,  
Куьнде рэхъэ... е мэхъэлиш не вихди.

Зиндегуни хуте сохди Гевриле:  
Омбар, лугъонд фикир доре э кор ю.  
Хундеигъо зиёд сохдет фегъм юре,  
Жуьрбежуьре рэхъгъо зендет эрию.

Герек бире сенигъэтгъош дануьсди,  
Карасдигъош бине норн ченд жире.  
Дананигъош, усдоетиш бирмунди,  
Буьлуьнд сохде духдире гьер жире.

Дигь Гъуьсори бэхдевере бэхш дори  
Улкегьоре, вилеете, хэлгьмере:  
Илизаров ведилуье жеррэхьи,  
Тозе жире кумек бире эй гьеме.

Рачимунн, сикеймунн тат иму,  
Гуьзетлуьни, вегирлуьни эй гьеме.  
Талант, жофо — бирорунуьт гьердуьшу,  
Гьердуь офдет э дуьл Геврил жигере.

Гьемей гуьлом дануьсдени имбуруз —  
Илизаров э гьэд Курган дебире.  
Нечогьгьоре хос сохдени гьеме руз,  
Э дуьл ишу венгесдени шорире.

Гьозоргьоре суьфде э пой поюнди,  
Вэхуьзунди эз гьэд хьэлов ченд сали.  
Жеррэхьгьореш тегьер коргьо вомухди.  
Кук татиму лап зурбое усдои!

Эз сохдегьо гьелем хомуш не бири,  
Хьэрекети эри офде тегьере,  
Кумек бире эй шуькесде одоми,  
Эй соф сохде хуьрде шидрей кемере.

Гурунд бири рэхь Геврил те гуьзет,  
Екиш гуьлгьо не дешенди э зир пой...  
Оммо эшгь ю, хьэвескори гье бирет,  
Имогьойле нисд бирегор э ю той.

Могьлугьмере астарাগьо омбари,  
Геврилиш э миглешу рач доре.  
Эри хьэрмэхь, эри юхсуьл, эй дусди —  
Чуьтам буге гьечу мунди эй гьеме.

*1985 сал.*

## СИПРЕ ГЪОЗГЪОЙ ГЪОВОИ

Зимисдуйму лап хиник бу имисал,  
Кими мэхьэл э гъэд хуне лерз мено.  
Имид бирим э биёвгьо вэхд васал:  
Герм мибошим, миварасуьт зуьгIбегьо.

Дериёгьиш, догъгъой сипре шаргьоре,  
Гьуьл дедоре сэхд мифурсо эз дүри.  
«Вомунденге», фурмуш сохде хьуьршгьоре,  
Лос мибисдо эз гъиругь ю те гъэргьи.

Тозе хэбер э гъэд шегьер лов бисдо:  
Гъэмишлуггьо жилид зерет гуфдире,  
Сипре гъозгьо — назуьшменде бикегьо,  
Эдет э сер дерьёгь иму лем зере.

Келе, чуькле — гьеме можол бирегор,  
Кумек бире михорундуьт ишуре.  
Вомундере, юхсуьлгьоре дирегор  
Мидебердуьт эй хос сохде э хунде.

Эз сер гIовиш, эз сер десиш куьнд бире,  
Мивегирдуьт хурденире эз гьеме.  
Гьечу могьлугь негьишд муьргъэ пуч бире,  
Гъуногъгъойму дироморут э хуьшде.

Десде — десде мижегьисдуьт э сер гIов,  
Парталгьошу сипи мисохд дерьёгье.  
Кимигьошу нис зеренбу гьич снмов,  
Э зир пардуьш пэхьни сохде сергьоре.

Томошере, гIэлементе эй дире,  
Гъиругь дерьёгь согь руз пур бу одоми.  
Сикелуьгьо, гъэнетгьоре лов сохде,  
Кимигьошу мипаруьсдуьт э куьнди.

ВэГдо омо. Хиникигъо хуърд бисдо,  
Хомуш бисдо дериегъиш эз лепуър,  
Сипре гъозгъо — рачи хори нен гъово,  
Эй вогошде гъеме верафд лап гъуьндуър...

«Бурайт, рэхъник! — гъул жумунде гуфдирим,  
Де бедигъо гъич меёво элошму.  
Рачишмуре фурмуш сохде ниданим,  
Дирегоргъо могъбул мибу эришму!»

*1985 сал.*

## АРТЕК

Бэхдевере хоримуни Таврида —  
Дериегъ, догъгъоюре уьст нисди.  
Республикей пионергъо зигъисде —  
Инжо лагерь шолумини ве дусди.

Эз Ою догъ те Гурзуфи жигешу.  
Оводуне гъэлечегъо поисдет,  
Сип-сипинуьт, чуьн гемигъо, гъемешу  
Э лов дорьегъ гуйге бесде оморет.

Шохъонгумгъо винириге Артеке —  
МуьгГуьжьюзе товуш доре хунегъо.  
Гуйге гъеме астарাগъой Таврида  
Кура бирет э сер лагерь эз гъово.

Гъуьндуър бире бейдогъ лагерь гъеме руз  
ГЭиллегъо эз хов хэбер биренге.  
Зиёд бире дусдгъой ГУьлом руз-беруз  
Пионергъо дуй екире диренге.

Эри хунде, кор сохде, вбзишу  
Оводунуът герекие жигегьо.  
Стадион эй дегь гьозор нуьшдешу  
Дерхьэрзои согъ руз эри гІэилгьо.

Ченд жире сес, ченд зугьуне мишнови,  
Хэндешуре, шэгьгьэшуре, шорире.  
Вихдет эйшу зугьун дусди-шолуми  
Варасире дануьсденуът дуь екире.

Э мэгІнишу, э коргьошу, дусдишу  
ГІуьзетлуьни Ватан иму эй гьеме.  
Фурмуш нибу гировунде рузгьошу,  
Дирегьошу, дануьсдегьой эн гьеме.

Ведилуье одомигьо гьемишеш  
ВэгІдо-вэгІдо оморенуът э кишу.  
Верзуьшлуье артистгьойму ченд гилеш  
Верафденуът э сер сегьне эришу.

Орденлуьни Артек иму дуь гиле,  
Жофокеши, мозоллуьни, дуьлшори.  
Корсохгьою гьоим сохдет дусдире,  
Хубе гІэдот, келе хэгьер-бирори.

Воисдени пионергьой гІуьломе  
Бэхш вегируът эри дире Артека —  
Келе мэгІдон хушбэхдлуье овлоде,  
Эй дебире э десдегьой Таврида.

Хуб шишири сипре муйгьо сермере,  
Поиз гІуьмуьр эдей куфде дермере.  
Хьэйф нисохум мундигьореш эй доре,  
Екем гене ме пионер эй бире.

*1986 сал.*

## КАСПИЙ

МуьгІуьжуьзи Каспий-дерьёгь гьемише:  
Хьуьрш сохденгеш, сокит бире вэгІдою.  
Рачиоре гьич нидани те дире —  
Шаргьоюре, лос биренге гІовгьою.

Эз некуми ковре гІов ю зерд зере,  
Э дерьёгь шивиш гІуьлом дебире.  
Догъгьой шаргьо кеф сохденуьт — лов бире,  
Эз гьуьндуьри э лов дерьёгь расире.

Лепуьргьою тэгІди доре екире  
Нис вомунде эз гІов доре гьумгьоре.  
Жигъжигъэгьо эз шушдешу тов доре,  
Шэх-шэх сохде, моч сохденге шаргьоре.

ВэгІдо-вэгІдо дерьёгь иму динж бире.  
Балашаргьо ловгьоюре лисире.  
Хомуш бире, тозе овоз кешире,  
ГІовгьоюре ранггьой асму вебире.

Себэхьмунде зарэ хуно тов доре  
ГІовгьой Каспий эз ригазгьой эн чуйшме.  
Шев биренге менг эз гьово рэхь норе —  
Ковре гьово шэгІмгьо норе эй гьеме.

Нис верасде гьич мэгІнигьой дерьёгь  
ГІоси гьисдиш, сабуьрлуьте биренгеш.  
Эз ю рачте бэхш нисди гьич э дуьньёгь —  
Эзгьун гьисдиш, ненуй-ненем хунденгеш.

Гьирогь дерьёгь шинохдени не мунди,  
Зиёд бири бэхдевери инсонгьо.

Эшгълуй эдет кор сохденуът эй були  
Жогъил бире гъэдиме могълугъгъо.

Буругъгъой нефт, онгурбогъгъо рач доре  
Эй вокурде гІэлишонгъгъой эн сенгъи.  
Ченд миллетгъо дуй екире сес доре  
Гъэлхэнд бирет эри Ватан, эй гъэгъи.

Дериёгъе фурмуш сохде гъич нибу:  
ГІовгъоюре, никиюре, рангюре.  
Хосдегоргъо рачиуре гъе мибу  
Шаргъой дуьлгъо те верасде, серд бире.

*1987 сал.*

## ГОФГЪОЙ БЕБЕ

Шоул Симанду гуфдиренбу гъемише:  
СэгІэдиё — келебей бебешу,  
Э сер ишу гезиро оmore,  
Эз жолодгъо хилос бирет текгъошу.

Аба-Сово бири гъевел бинешу —  
Сенггъой гъовре гъечу шогъод поисдет.  
Гъозоб бири э келешу-чуьклешу,  
Э гъэд е шев омбаргъошу пуч бирет.

Мунденгоргъо тере-тэгІди гъемешу  
Жилгъэ зере Фураморет э Дербенд.  
Э Дуборей шегьер догъи эрншу  
Хунелегъо эз хуърде сенггъо вскурдет.

---

\*) Д у б о р е — мнёние бэхш шегьер.

Гъэдимие могоьлугъ татгьой Догъисту  
Боруй Дербенде кеширет.  
Бедигьореш эз сер сохдет хэлгъ ишу,  
Тенгиш дирет, э гъэвл екиш дебирет.

О Октябрь! Хилос сохди хэлгъмере,  
Шоре васал зиндегуни овурди!  
Зенжилгьоре бурра, шенди гъемере  
Тозе гъуьлом эри гъеме вокурди!

Инсон иму сэхд гъэрхунди деврмере,  
Хьэрекети миё соху гьер жире  
Эй расунде э Октябрь гъэрдире,  
Эри диеш буьзуьрг сохде Ленине!

*1986 сал.*

## ГЪЕЧУ ДЕ НИБУ

«Сервор» хэгъгьо, ённуьшигьош не гьишдет  
Бегьем бире гуфдирегьой буьзуьрге.  
Жигеюреш эз ю хубте не гирдет,  
Беди сохдет сер хэлгъгьоре пучунде.

Гье фугъундет, гье фурмундет хэлгъгьоре,  
Э сер бейдогъ нум буьзуьрге веноре.  
Зул вегирдет эз кемер хэлгъ чендборе,  
Гъэзиетгьо зиёд доре ишуре.

Худолегьо луле гирдет, тасундет,  
«Дуьшмен хэлгъи» бендегьоре нум норе.  
Биразире, гьозоргьоре пуч сохдет  
Войгегьошу бегьем бошут гуфдире.

Э чум хуьшде муьгIуьжуьзгьо донорет —  
Эри могоьлугъ не гуфдирет дузире.  
Оммо ишу хурдет, гешдет, хьэз сохдет,  
Эй нишрегьош хьозур сохдет булире.

Имогьойле, э нуьге вэхд коргьойму  
Ғкиш хубте сэхьиб нибу эз иму.  
Эй артмиши, говлеи хунейму  
Биё лап сэхд гьэлхэнд бошим гьемейму.

Тозе мибу васал инсон хориму,  
Селт мишенуь буховугьой хуьшдере.  
Темиз мибу, палаш мибу эриму,  
Чуьн сипре сенгъ руьгъ-руьгъ мидуь гьегене.

*1990 сал*

## **ЗУГЬУН ДЕДЕИ**

Чин гьевели гоф одоми — дедей,  
Эз гуфере те верасде гIуьмуьре.  
Герекини, гьэрдимуни дошден  
Зугьун бебе, зугьун дедей хуьшдере.

Гьозор салгьо зугьун инсон гье бири,  
Гьеме гофе сериш гьисди, эхириш.  
Э бэхшею туьроширеш омор,  
Зугьун хэлггьо ниё зенуь пэхуьриш.

Гоф — дасдари... Эхир нисди гуж юре:  
Эз лулегьо ведешенде маргьоре,  
Дуз гьисдиге — бине норе расдире,  
Пушо берде вомундере, девргьоре.

Гофгъо гъисди — мэлхъэм синей одоми:  
Дуълхошигъо э жун инсон дешенде.  
Кими мэхъэл инсофсуъзиш бирени —  
Эз зеверсер э сер хори нуьшунде.

Зугъундани гъисди келе нишоне,  
Гилмгъо гъеме э сер когъоз жэгІм бире.  
Уъзге зугъун герек бире инсоне,  
Эгъуъл гІуъллом э гофсвоз лов бире.

Доргъой богъэ сечмиш сохде бирени,  
Бегьергъоре нумгъой доргъо вебире.  
Гъеме тейфей инсонгъоре зугъуни,  
ДэгІэм зугъун э гъэд гофгъо дебире.

Эзу хубте ерэгъ нисди хэлгъоре,  
Миллетгъоре эри мунде гереки.  
Хиник сохде беде нист дуългъоре,  
Шолумире венгесдени эеки.

Эз гІэили шинрейм зугъун татире,  
Э ширевоз э хун иму дарафди.  
Дедегъойму келе сохдет имуре  
Эри Ватан, зиндегуни ве дусди.

Гъич мидани э де зугъун гуфдире  
Лап лугъонде раче гофгъой татире?  
Нуьгъре не суьрх бугъолуьнуьт дуй жире,  
Рачигъошу э жигею хуб бире.

Ки мигую «дедей» рачте эз бала,  
Ширин-ширин: «гъэдойтуьре вегиром»?!  
Земонейму эй хубигъо э рэхъ де,  
Зугъун тати вир ние бу эз гІуъллом!

Зенгъой тати «ненуй-ненем» хунденге  
Имогъойш гІэрс пур бире чумгъойму.

Заруьнжие домо-гирьё сохденге —  
Гуйге жуни, жигер иму гофгьойму.

Эйчуь нисе дануьсденуьт гІэнлгьо  
Гъэдимие раче зугьун дедее?  
Нис вомухде гІэилгьоре сэхьибгьо,  
Зугьун иму гьечу эдей куьт бире.

Мигьровуне зугьун тати могоьлугьме  
Эй негьогьи ние бурав эз гІэре.  
Хьэрекетн бийё сохим, жэгІметме,  
ГІуьмуьр зугьун диеш дураз эй бире.

Чуькле хэлгьме те Октябрь муьрс дири,  
Эз ченд жире сэхде манжар гиросди.  
Изму эри бичорегьо руз бири,  
ГІэмел ниёв нисд бу зугьун дедей!

## ЭРИ ХУНДЕ

Бийёт дес дим екире,  
Бурайм хуним э школе.  
Зугьун деде-бебере  
Даним хубте эз гьеме.  
Сервори:

Гьеме коргьо сук мибу  
Хундеире хосдимге.  
Ники миёв эриму  
Хубигьоре сохдимге.

МэгІни хуним зеки,  
Зугьун тати гереки!  
Даним тозе гофгьоре,

Сохим софе коргьоре.  
Сер в о р и:

Эз гІэили хундимге  
Паргьо меров имуре.  
Дананигьо гереки  
Эй зигьисде зеки.  
Сер в о р и:

*1990 сал.*



## ЭЗ СТИХИГЬОЙ БЕБЕ — ШОГЬИР ШОУЛ СИМАНДУ

---

### ЭЛЭФ — БИ

Гьсвел кукме дуьм несигІэт ме туьре:  
Воре месох бейбофои э дуьньёгь.  
Э зир эн черх Гьэгь офири Хорире,  
Шор-хуьреми бире мегерд э дуьгьёгь.

Еки хубини, екиге зобуни,  
Еки мирав, еки нирав эз дуьньёгь,  
Еки тожирини, еки бедбэхди,  
Гьич екишуш бине ни нуй э дуьньёгь.

Мера э рэхь бейбофое одоми,  
Э беди кес хьини зеге, мейл мегн.  
Чум медени э девлетгьой гІуьломи,  
Угьо мунде мигирори эз дуьньёгь.

Расде жунгьо эйтуь ники михоют,  
Э тойгьойтуь ние боши михэнет,  
Э руз Диву ниведирой хижолет,  
Е гуьл бире, пар мизени эз дуьньёгь.

Гьеми бош данан, гьемиге бош гьози,  
Фирмуш небу се вэхд нумаз гьер рузи.

Тирозу норе миёв э руз песини...  
Силис мибу, пуърсуьш мибу эз дуьньёгь.

Воре жовон зарал зени э жунтуь,  
Вэхд омоге... кес нидобу э хунтуь.  
Дананигьо оморуьтгс э дуьлтуй  
Элэф — Бирс эзвер сох туь э дуьньёгь.

Зэхьмет дори Худо Одом — бебере,  
Хьово — дедей екем сохди хэторе.  
Меги тараф э дес гешде зуьноре,  
Сечку бире куч мибоши эз дуьньёгь.

Хьэлол гьисдге — эзу мибу е куьрпи,  
Дургу мегу — гьуьлпе гирде нидани.  
Эн хунден шогьодию гьечини:  
Эшгь туьре э пучи меди э дуьньёгь.

Тегьер дурна гьузги сере гешдеки,  
Сившешире э сине минуьвуьси,  
Гьэреулгьо дузов сох эй себэхьи,  
Хурдум-хولة бире мегерд э дуьньёгь.

Тэхьно мегерд мирасуь э жун хэто,  
Э хьэзон не гьози месох минетгьо.  
Локо мезе э Гьэгь бурра г'эдотгьо  
Э туьревоз куч мибошут эз дуьньёгь.

Хэто сохде жовон мирав э Сибирь,  
Хьэлолсуьз, кефесуьз мидарав э гьур...  
Сад гьозоре дегиш месох э сабуьр,  
Хьэзгьо, кефгьо мунденинуьт э дуьньёгь.

Шербет ловгьой серсебэхьи михури,  
Эз зир гьилинж г'эзроилиш мивирихи,

Е руз мибу эзу зиндон мигирори,  
Вир мибоши, учмиш бире эз дуьньёгь.

Мошьях миёв гьемей г'уьлом пуч мибу,  
Е руз миёв могоьлугьэтьгьо гьич нибу,  
Г'ээзизе жунгьо э женгьендем куч мибу,  
Е поке Нуьвэхь нови мибу э дуьньёгь.

Мевадаре эзу хунде нубою,  
Эзу лошун, ширин-шербет зугьун ю,  
Садипенжогь гьозор келме гофгьою,  
Угьоре соил гьиште, мера эз дуьньёгь.

Буьзуьрги Гьэгь, э чумгьо нис вохурде,  
Ченд гьэдер рэхьи эз менг те астара.  
Ебо дениш офиригьо гьэрпузе:  
Нис дегешде, нис вир бире эз дуьньёгь.

Тум эн Г'уьлом гьисди е Одом-бебе,  
Мелкомут э хори хэтусуьз нис бире.  
Пушой муьрде минет гьичиш нис доре.  
Г'ээзиет, тембихь эзу мунди э дуьньёгь.

Гьэмлуй бире, пэхьники мигуьруьсуьм,  
Э асму руй бире дерде мибесдуьм,  
Те муьрдейме сур эн Гьэгьэ мидорум,  
Вэг'идой эхир рузгьо миёв э дуьньёгь.

Гешдегоргьо ейлогь догьгьой верфире,  
Кулей сие телуь, гуьлишон богьэ,  
Ала чумгьо, сиегье хокгьой утогьэ,  
Хьэз ю, наз ю, шориш мимуну э дуьньёгь.

Пуч мибу дуьньёгь, тур-темиз хоригьо.  
Рач нимуну ранге-ранге хьэремгьо,  
Перде микешуь гуьллуье жигегьо,  
Поке нови у руз миёв э дуьньёгь.

Э руз Диву руьхьгьо мипоют жирге,  
Бичорегьо гьич гьовои нис хурде.  
Гьелем мунди сесади шаспендж хифде,  
ТэгIните, нумазе эзвер сох э дуьньегь.

ШэС-бобоюм — нуьвуьсдегор нубогьо  
Жейле мебош эз нуьвуьсде гьэгьигьо,  
Э руй хори хьэлол бош эз гьозигьо,  
Хуби гуют эри жунтуь э дуьньегь.

Варасд гIуьмуьр инсон — сес ю буррани,  
Нивокуну дуьлшор партал геймиши.  
Дивисди чуьлхэшд миллетгьой эн хори  
Муьдуьт у руз шогьодире эз дуьньегь.

Шоул Симон гуфди: Дуьньегь лепуьри,  
Бинесуьз хунегьо — дивор нуьшдени.  
Гереке гоф эз хундегьо офдени,  
Шинов, кукме, сад мизигьы э дуьньегь.

## АБАС ГЪУЛИ

Абас Гъули, ди пулмере, рэхь деки,  
Э гьопушму сег хьэпили рач нуьшди,  
Гьерки омо эри гуьрде хьозури.  
Абас Гъули, ди пулмере, рэхь деки.

Гьутуре сег денишире э лой дер,  
Оморегор терсирени ченд гьэдер.  
Не гуфдири сер шохьонгум биё бер?  
Абас Гъули, ди пулмере, рэхь деки.

Пире куьпек нис вэхуьшде эз ён дер,  
Не гуфдири, ди и вэгIдо биё бер,

Гене себэхь эйчуь биём ме э дер?  
Абас Гъули, ди пулмере, рэхь деки.

— Лелей Шоул, сэхд гъэрхундум ме туьре,  
Гъэгьир мебош, себэхь мидуьм пултуьре.  
Меш имогьой хуб шинохдум шогьире,  
Баракеллогь шогьир-бондур гьемише!

Чуь сохденуьм э сер Шогь догь ме богъэ,  
Э Кофори — нугьоресгьой чулире?  
Нис воисде? Лов мисохум бендгьоре.  
Абас Гъули, ди пулмере, рэхь деки.

\* \* \*

Э и дуьньёгь ширин-ширин мол мибу,  
Имидлуьгьо э мисини мидебу.  
Чум момуну, зугьун гирде — лол мибу,  
Гъовум чуьни, бирор чуьни, дусд чуьни?

Кура бирейм чордегь иму, дегь иму,  
Э рэхьмлуьгьо вэгьиф гердо рэхь иму.  
Пенж гезле огь биренини дин иму,  
Мендил чуьни, зарбоф чуьни, зар чуьни?

Ме гуьл бирем э и дуьньёгь ширинуьм,  
Бежэхьэт, муьрдуюмге, гене мизигуьм.  
Э зир ме — хок, звер — тэхде, мипуьчуьм,  
Герми чуьни, хиник чуьни, верф чуьни?

## БОГЪ

Ебо гъуногь бире дарафдуьм э богъ,  
Гуьлгьой хьини вебу э дуь лой эн богъ.

Чой душунде теклиф сохдут э утогъ,  
ГІэзизе жунме бейхэбери эзу богъ.

Э сер чор хэвуыз жиген эй нуьшде,  
Гуьлгьою лап рачуьт эй гирде десде,  
Кошде мейвогьою поисдет жерге,  
ГІэзизе жунме бейхэбери эзу богъ.

Е хэтдан гереки эй хэт нуьвуьсде,  
Гъуьжуьм дузов сохде хонумгьо гешде,  
Беде чум мерасо э войгей хуьшде,  
ГІэзизе жунме бейхэбери эзу богъ.

Гъилинже, гъэлхэне э мейду мени,  
Шороб гьегъире эз шише сох тигъи,  
ШэС-бобоюм, екем эймеш бэхш миди,  
ГІэзизе жунме бейхэбери эзу богъ.

ГенГидин воюгьо винуьгу у богъэ:  
Серине гІове, чешмелуье билогъэ,  
Дестексуьз, михсуьз — гуьллуье чордогъэ,  
ГІэзизе жунме бейхэбери эзу богъ.

Э сер билогъ ю ме екем поисдуьм,  
Э сэхьиб богъевоз ихдилот сохдум,  
Гъуз бире эз билогъ гІовюреш хурдум,  
ГІэзизе жунме бейхэбери эзу богъ.

Воисдки вогордум, поисдуьм гъиругъ,  
Шевгъгьой шохьонгуми офдо э утогъ,  
Буьлдуьрчин фурамо эз гуьл э гъиругъ,  
ГІэзизе жунме бейхэбери эзу богъ.

Жире-жире муьргъгьо э у богъ гешде.  
Расири иловлей гьеме э гуьл де,

Овчигьо эй ов зере пэхьники гешде,  
ГІэзизе жунме бейхэбери эзу богъ.

Балалегьо эй парзере сер гирдет,  
Бешгьэют гуьлгьошу — ченд жире бирет,  
Гьер теке гуьл ю шеш гиле расирет,  
ГІэзизе жунме бейхэбери эзу богъ.

У богъ жигей энз гьушгьо гешдеи,  
Зофру, звер — Табасаран рэхьгьои,  
ШэС-оборе доре войгей гьэгьини,  
Шинрегоргьо биёт расит э суьрогъ.

## ГУЬЛЕН

Пуьмуьр эн ШэС рафдени э дердевоз,  
Эшгь ю нисд э суьгьбетовоз, хьэзевоз.  
Руз-беруз гиросдени э гьэмевоз,  
Эшгь бугьоре жунеш бэхш муьдуь, Гуьлен.

Бесдуй гІэсели туь, э руй ю гьэймэгъ,  
Э сертуь, э шолтуь рач доре эшмэгъ,  
Э туьревоз ебо гоф сохде, гьенжэгъ,  
Э девлетгьой дуьньегъ миверзуь, Гуьлен.

Рачигьоре пэхьни месох доруне,  
Жун гьурбу гердо э туь жире суне,  
Биё гьуногьме бош э е чихуне,  
Песде хэбердор бош эз хьолме, Гуьлен.

Нубогьой ШэС-бобо гьеме расдини,  
Эй данан хуш, эри недан бесдеи,  
Эз дуревоз, суьфде келе усдои,  
Гьеркире эшгь бисдо дерс муьдуьм, Гуьлен.

Ме бирем оворе эз дерд шогъири,  
Офире оморей э хуш руз Хори.  
Веги киниг эй хунде биё гъери,  
Хъэзон бире туьре дерс муьдуьм, Гуьлен.

Дорумге дерс хъэсротлуьгъо омбаруьт,  
Шелгъэме муйгъо фирегъу, омбаруьт,  
Дим-дузе гъошгъо жидере хуноют,  
Екем гъуьжуьм бурра, бэхш миди, Гуьлен.

Офире оморей эй муьгъбет, хэндуйсде,  
Бине норей жунсогъ сад сал эй бире,  
Гоф дуьлтуьре вонсдге эй гуфдире,  
Эри гъуногъ бире мнёй туь, Гуьлен.

Ранге-ранге нэхуьгъой эн хьинни,  
Э гушгъо — гушвор, винию фундугъи,  
Э сер — ейлугъ суьрхи, зофру — буьзмен,  
Э туь жире хьуьри рач мидуь, Гуьлен.

Мадарай э мейдуь шор сохде жуне,  
Туьре дирегор нихогъу екигере,  
Фундугъ гуьржуьини, пип-бодон, гуфдире,  
Винитуьре нум ноге мигуьнжуь, Гуьлен.

Дербенди ШэС-бобо сэхьиб нубои,  
Меджнунгъо дебугу э гъэвл севгили,  
Гушгъойтуь гушвори, герде — генлеи,  
Жунме гъурбуни, мерасо чум, Гуьлен.

Хъэсротлуьре воисдени хэндейтуь,  
Чуьшме не менг вежесденуьт э ёнтуь,  
Гъеме вэгдо хуш гоф сохэ зугъунтуь,  
Лезет шербет мидуь ловгъойтуь, Гуьлен.

ШэС-бобои усдой эни нубогъо,  
Кемер ю гъэд бири эз хэсдей салгъо,  
У деруьтгъо э лэгІэйтуь дендугъо —  
Си — жовогъил, дуьдуь — мержони, Гуьлен.

Э звер пушони сенгъ Мегъриб вери,  
Фирузе, жовогъил хуб вечиреи,  
Гуьллуье жевгъери сенгъгъой лэгІэи,  
Еки эзугъо фурухдени, Гуьлен?

Эри гьер кор э гоф меди зугъуне,  
Буй микешуьм у этирсуьз зугъуне,  
Дуз нэгъд муьдуьм э сер мейду пултуьре,  
Нисче нидуь инжи, мержоне, Гуьлен.

Нисди екиш дануьсдегор гъимете,  
Не гъовумгъо, не гъуншигъой мэхъэле,  
Шори норе гуьрд мисохум гъемере,  
Белки дануьсдегор офд омо, Гуьлен.

Хубе кори э богъ гуьлгъоре кошде,  
Чире, вихде тек-тек, э десе гирде,  
Э васал ю, э вэгІдою фурухде,  
Расире гуьлгъоре фурухош, Гуьлен.

Расуьтгу жуьрлегъо, очмиш бу гуьлгъошу,  
Буьлдуьр-мэгІнихун вежегъо э ён ишу,  
Гъэиш суьрхи бесдо гьер вэхд кемер ишу,  
Гъенолуь эй эл, гъуьжуьм хьинии, Гуьлен.

Буравтгу э мейду, гешдуьтгу базаре,  
Мерасо э ишу хосдегор гІэжеле,  
Гьер орине, э сер мегъ бэхш сох мисворе,  
ШэС-бобо гъэзенж сохде пул мидуь, Гуьлен.

Чумгьошу ухшешуьт э гIов Шогь билогь,  
Этиргьошу дараво э хубе утогь.  
Гьеркишу е гуьлуьт — бегьергьей эн богь,  
Илчигьой гуьлгьо э ов деруьт, Гуьлен.

Поиз гуьлгьо хэзон мибу, мирихуь,  
Десдегьо мибу, хорире микору,  
ЖэгIм бире, шохьонгум перде микешуь,  
Васал мирасуь, е нирасуь, Гуьлен.

Очор нисди Гуьломе эй вокурде,  
Согьи миёв мидуь мее эй хурде,  
Вэхд биренге эзи гуьлом эй рафде,  
Севгили, девлет э чум ниёв, Гуьлен.

Э е жонсуьзе гIэсб мере мивенуьт,  
Эз душ э душ э нуботевоз миберуьт,  
ТэгIди мисохут зу беруьт расунуьт,  
Пуче гуьлом де э чум ниёв, Гуьлен.

Дусд мигируьсуь, дуьшмен хэнде-шор мибу,  
Хун рихунде э дуьньёгь беде нум мибу,  
Гуьлен эз ШэС-бобо у вэхд жуьро мибу,  
Эз гьопуй гьоврегьо гирошденге, Гуьлен.

Сиегь хокгьо чендигьоре фуберди,  
Не вогошде пегьливонгьо пуч бири,  
Ченд гIэсуьллуь не расире вир бири,  
Шуькуьр сох жуьрлегьоре расуьтгу, Гуьлен.

---

\*) Гуьлен — э тержуьмей Шоул Симанду: «Гуьл-хэнд, шекерруьжуь», егIни — гуьле хуно хэндуьсде, шекере хуно — ширин.

## ЗАРБОИЛ

Е гъуччи огол зе берд эй кор сохде э ветэгъэ,  
Те рафде расирейму коре дешенд э гъэдэгъэ.  
Гьер гиле гоф сохдеки сес ю ухшеш бу э бугъэ,  
Эйшму нумеш гуом: эз Гъубе бу гъуччи  
Зарбоил.

Сервори: Эй жэгIмиет, эйшму гуом:  
Эз Гъубе бу гъуччи Зарбоил.

Ужире гъуччигъоре сес мивобу — нибу гуж ю.  
Фэхълегъоре кориш мидуь — муьзде доре гъич  
нивою.  
Салгъойме кемиш нисдуьт — гъилинж кешуьм  
ме э сер ю.  
Гуфдируьм: худо кумек, гирор э мейду,  
Зарбоил.

Сервори:

Омоки э мейду, асда гирдуьм эз чуьнею,  
Дешендуьм э зир гъул ме — сес сохдуьт  
остгъугъой синей ю.  
Гъэреболугъ бисдо дуьлме эз болей  
хьокимгъойму,  
Фикир ме деш гурунд — эз товун гъуччи  
Зарбоил.

Сервори:

Пенжогъ фэхълей ветэгъэрс нисд гIэмеллуье  
чойчи,  
Эз игидгъой Ханукаевгъо бу Зарбоил-гъуччи.  
Е чуькле довгIо бисдо тапинжире не шендеки—  
«Гъей» мере э «гъой» чарунд, зур-зур рафд  
Зарбоил.

Дуьваздегь хьэрмэхь иму энжом сохдебу и  
Кимигьо — мердгьо бируьт, немерд бируьт—  
Машаллагь гIэсуьлменде кук Гевриил  
Коргьоре дузов овурд — видов-видов рафд  
Мететгьере:  
Зарбоил.

Сервори:

Ижире зурбо игид пушотегьо бири Ёил,  
Нум кук ю ГIэзерие, фомилею бири Моил.  
Нуьвуьсди и бендгьоре дербенди ШэС-бобо  
Сифет ю гьип-гьирмизи — вирихд эз мейду  
шогьир.  
Зарбоил.

Сервори:

Тержуьме сохди эз азербайджани  
*Александр Семендуев.*  
1990 сал.

## СЕРНОМЕ

### ТОВУШ ОКТАБРЬ

Пушойгофи .....	5	Азаде зен .....	14
Ленин .....	11	Солдат эн революция .....	15
Октябрь .....	12		
«Челюскин» .....	13		

### КОГЪОЗГЪО ЭЗ ДОВГЮ. ЕДИГОРГЪО

Эй чуклеле .....	17	Бесгъуни .....	24
ДовгЮ. Дедейме .....	18	Гъоврей бирори .....	26
Ватанме, шинов сесмере .....	19	Зен Ватан .....	28
Эри дусд .....	20	Солдатгъой Буъзурге довгъой Ватани .....	29
Эз дури .....	23		

### ОВОДУНЕЕ БОГЪ

Поиз .....	31	Сипре гъозгъой гъовон .....	41
Гофгъо .....	32	Артск .....	42
Импд .....	32	Каспий .....	44
Зингилеле .....	33	Гофгъой бебе .....	45
Тешнеюм эйтуь .....	34	Гъечу де нибу .....	46
12—муьн апрель .....	35	Зугъун деден .....	47
Дербенд .....	37	Эри хунде .....	48
Оводунее богъ .....	38		
Зурбое усдо .....	39		

### ЭЗ СТИХИЙГЪОЙ БЕБЕ — ШОГЪИР ШОУЛ

Элеф-Би .....	51	.....	55
Абас Гъули .....	54	Богъ .....	55
«Э и дуйньёгъ ширин-ширин мол мибу...»		Гуьлен .....	57
		Зарбонл .....	61

*Александр Шаулович Семендуев*

**МОЕ ВРЕМЯ**

Редактор *Н. И. Гилядов*  
Художник *В. Д. Кондашова*  
Художественный редактор *Э. В. Лубьянов*  
Технический редактор *С. К. Амирханова*  
Корректор *И. И. Юнаев*

Сдано в набор 05. 03. 91. Подписано в печать формат  
70x90<sup>1/32</sup>. Бумага тип № 3. Гарнитура «Литературная».  
Печать высокая. Усл печ. л. 2,34. Уч.-изд. л. 2,53 Тираж  
300. Заказ 724. Цена 50 коп.

Дагестанское книжное издательство Государственного  
комитета Дагестанской АССР по делам издательств,  
полиграфии и книжной торговли  
367025, Махачкала, ул. Пушкина, 6

Типография им. С. М. Кирова Государственного коми-  
тета Дагестанской АССР по делам издательств, поли-  
графии и книжной торговли  
367025, Махачкала, ул. Маркова, 51



50 к.

**МОЕ ВРЕМЯ**

На татском языке